

**ТРИ КАНОНА:  
ПОКАЯННЫЙ КО ГОСПОДУ НАШЕМУ ИИСУСУ ХРИСТУ,  
МОЛЕБНЫЙ КО ПРЕСВЯТОЙ БОГОРОДИЦЕ  
И АНГЕЛУ ХРАНИТЕЛЮ \***

**Молитвами святых отец наших, Господи Иисусе Христе, Боже наш, помилуй нас. *Аминь.***

**Слава Тебе, Боже наш, слава Тебе.**

**Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша. \***

**Святой Боже, Святой Крепкий, Святой Безсмертный, помилуй нас. *(Трижды.)***

**Слава Отцу, и Сыну, и Святому Духу, и ныне и присно, и во веки веков. *Аминь.***

**Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.**

**Господи, помилуй. *(Трижды.)***

**Слава Отцу, и Сыну, и Святому Духу, и ныне и присно, и во веки веков. *Аминь.***

**Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.**

**Господи, помилуй. *(12 раз.)***

**Слава Отцу, и Сыну, и Святому Духу, и ныне и присно, и во веки веков. *Аминь.***

**Канон покаянный, глас 6-й**

**Песнь 1**

---

**\* В пасхальную седмицу вместо канонов покаянного, Богородице и Ангелу хранителю читается канон Пасхи**

**\* От Пасхи до Вознесения вместо этой молитвы читается тропарь:**

**Христос воскрес из мертвых, смертию смерть поправ, и сущим во гробех живот даровав. *(Трижды.)***

**От Вознесения же до Троицы вместо «Царю Небесный...» ничего не читается.**

**Ирмос:** *Яко по сѹху пешешествовав Израїль, по бѣдне стопами, гонителя фараона видя потопляема, Богу побѣдную песнь поим, вопіяше.*

**Припев:** Помилуй мя, Бѣже, помилуй мя.

**Н**ыне приступих аз грѣшный и обремененный к Тебѣ, Владыце и Богу моему; не смѣю же взирати на небо, токмо молюся, глаголя: даждь ми, Господи, ум, да плачуся дел моих горько.

Помилуй мя, Бѣже, помилуй мя.

**О**, горе мне грѣшному! Паче всех человек окаянен есмь, покаяния несть во мне; даждь ми, Господи, слезы, да плачуся дел моих горько.

Помилуй мя, Бѣже, помилуй мя.

**Б**езумне окаяне человеце, в лености время губиши; помысли житие твое, и обратися ко Господу Богу, и плачися о делех твоих горько.

Пресвятая Богородице, спаси нас.

**М**ати Божия Пречистая, возри на мя грешнаго, и от сѣти диаволи избави мя, и на путь покаяния настави мя, да плачуся дел моих горько.

### Канон Богородице, глас 8-й

**Припев:** Пресвятая Богородице, спаси нас.

**М**ногими содержимъ напастьми, к Тебѣ прибегаю, спасения искый: о Мати Слова и Дѣво, от тяжких и лютых мя спаси.

Пресвятая Богородице, спаси нас.

**С**растѣй мя смущают прилози, многого уныния исполнити мою душу; умири, Отроковице, тишиною Сына и Бога Твоего, Всенепорочная.

Пресвятая Богородице, спаси нас.

**С**паса рождшую Тя и Бога, молю, Дѣво, избавитися ми лютых; к Тебѣ бо ныне прибегаю, простираю и душу и помышление.

Пресвятая Богородице, спаси нас.

**Н**едугующа телом и душею, посещения Божественнаго и промысления от Тебѣ сподоби, едина Богомати, яко благая, Благаго же Родительница.

## Канон Ангелу хранителю, глас 8-й

**Припев Иисусу:** Гóсподи Иисусе Христé, Бóже мой, помíлуй мя.

**Песнь** воспéти и восхвалíти, Спасе, Твоегó раба́ достóйно сподóби, безплóтному Ангелу, наставнику и хранителю моему́. \*

**Припев:** Святы́й Ангеле Бóжий, хранителю мой, моли́ Бóга о мне.

**Едiн** аз в неразúмии и в лéности ны́не лежý, наставниче мой и хранителю, не оста́ви мене́ погиба́юща.

**Слава** Отцý, и Сы́ну, и Свято́му Дúху.

**Ум** мой твоéю моли́твою напра́ви, твори́ти ми Бóжия повелéния, да получú от Бóга отдáние грехóв, и ненави́дети ми злых настави́ мя, молю́ся ти.

**И** ны́не и прiсно, и во ве́ки веко́в. **Ами́нь.**

**Моли́ся,** Деви́це, о мне, рабе́ Твоём, ко Благодáтелю, со хранителем моiм Ангелом, и настави́ мя твори́ти заповеди Сы́на Твоегó, и Творца́ моегó.

### Песнь 3

**Ирмо́с:** *Несть свят, я́коже Ты, Гóсподи Бóже мой, вознесýй рог ве́рных Твои́х, Бла́же, и утверди́вый нас на ка́мени испове́дания Твоегó.*

**Помíлуй** мя, Бóже, помíлуй мя.

**Внегда́** поставлени бúдут престóли на Суди́щи Стра́шнем, тогда́ всех человек дела́ обличáтся; гóре та́мо бúдет грéшным, в мýку отсыла́емым; и то ве́дущи, душе́ моя́, пока́йся от злых дел твои́х.

**Помíлуй** мя, Бóже, помíлуй мя.

**Праведницы** возра́дуются, а грéшнии воспла́чутся, тогда́ никто́же возмо́жет помощí нам, но дела́ на́ша осúдят нас; те́мже прéжде конца́ пока́йся от злых дел твои́х.

**Помíлуй** мя, Бóже, помíлуй мя.

**Увы́** мне великогрéшному, íже дéлы и мы́сльми оскверни́всья, ни ка́пли слез имéю от жестосéрдия; ны́не возникни от земли́, душе́ моя́, и пока́йся от злых дел твои́х.

**Пресвята́я** Богоро́дице, спаси́ нас.

---

\* Тропарь Иисусу Христу только в первой и девятой песнях канона.

**Се, взываёт, Госпоже, Сын Твой, и поучает нас на доброе, аз же грешный добра всегда бегая; но Ты, Милостивая, помилуй мя, да покаюсь от злых моих дел.**

### **Богородице**

**Пресвятая Богородице, спаси нас.**

**Предстательство и покров жизни моей полагаю Тя, Богородительнице Дево: Ты мя окорми ко пристанищу Твоему, благих виновна, верных Утверждение, едина Всепетая.**

**Пресвятая Богородице, спаси нас.**

**Молю, Дево, душевное смущение и печали моей бурю разорити: Ты бо, Богоневестная, Начальника тишины Христа родила еси, едина Пречистая.**

**Пресвятая Богородице, спаси нас.**

**Благодетеля рождши добрых виновного, благодеяния богатство всем источи: вся бо можешь, яко сильного в крепости Христа рождши, Богоблаженная.**

**Пресвятая Богородице, спаси нас.**

**Лютыми недуги и болезненными страстьми истязаему, Дево, Ты ми помози: исцелений бо неоскудное Ты знаю Сокровище, Пренепорочная, неизживаемое.**

### **Ангелу**

**Святыи Ангеле Божий, хранителю мой, моли Бога о мне.**

**Все помышление мое и душу мою к тебе возложих, хранителю мой: ты от всякия мя напасти вражия избави.**

**Святыи Ангеле Божий, хранителю мой, моли Бога о мне.**

**Враг попирает мя, и озлобляет, и поучает всегда творити своя хотения; но ты, наставниче мой, не остави мене погибающа.**

**Слава Отцу, и Сыну, и Святому Духу.**

**Пети песнь со благодарением и усердием Творцу и Богу даждь ми, и тебе, благому Ангелу хранителю моему: избавителю мой, изми мя от враг озлобляющих мя.**

**И ныне и присно, и во веки веков. Аминь.**

**Исцели, Пречистая, моя многонедужная струпы, яже в души, прожени враги, иже присно борются со мною.**

**Господи, помилуй. (Трижды.)**

### Седален Иисусу, глас 6-й

**П**омышляю день страшный, и плачуся деяний моих лукавых: како отвещаю Безсмертному Царю, или коим дерзновением воззрю на Судию, блудный аз? Благоутробный Отче, Сыне Единородный, и Душе Святыи, помилуй мя.

**С**лава Отцу, и Сыну, и Святому Духу.

### Седален Ангелу, глас 2-й

**О**т любви душевныя вопию ти, хранителю моея души, всесвятый мой Ангеле: покрый мя и соблюди от лукаваго ловления всегда, и к жизни настави Небесней, вразумляя, и просвещая, и укрепляя мя.

**И** ныне и присно, и во веки веков. **А**минь.

### Богородичен

**Б**огородице безневестная Пречистая, Яже без семени рождши всех Владыку, Того со Ангелом хранителем моим моли, избавити ми ся всякаго недоумения, и дати умиление и свет души моей, и согрешением очищение, Яже едина вскоре заступающи.

### Песнь 4

***Ирмос:** Христос моя сила, Бог и Господь, честная Церковь боголепно поёт, взывающи от смысла чиста, о Господе празднующи.*

**П**омилуй мя, Бже, помилуй мя.

**Ш**ирок путь zde и угонный сласти творити, но горько будет в последний день, егда душа от тела разлучатися будет: блюди ся от сих, человеце, Царствия ради Бжия.

**П**омилуй мя, Бже, помилуй мя.

**П**очто убогаго обидиши, мзду наемнику удержуеши, брата твоего не любиши, блуд и гордость гониши? Остави убо сия, душе моя, и покайся Царствия ради Бжия.

**П**омилуй мя, Бже, помилуй мя.

**О** безумный человеце, доколе углебаеши, яко пчела, собирающи богатство твое? Вскоре бо погибнет, яко прах и пепел; но более взыщи Царствия Бжия.

**П**ресвятая Богородице, спаси нас.

**Госпоже Богородице, помилуй мя грешнаго, и в добродетели укрепи, и соблюди мя, да наглая смерть не похитит мя неготоваго, и доведи мя, Дево, Царствия Божия.**

### **Богородице**

**Пресвятая Богородице, спаси нас.**

**Страстей моих смущение, Кормчию рождающая Господа, и бурю утисий моих прегрешений, Богоневестная.**

**Пресвятая Богородице, спаси нас.**

**Милосердия Твоего бездну призывающую подаждь ми, Яже Благосердаго рождающая, и Спаса всех поющих Тя.**

**Пресвятая Богородице, спаси нас.**

**Наслаждающаяся, Пречистая, Твоих дарований, благодарственное воспеваем пение, ведуще Тя Богоматерь.**

**Пресвятая Богородице, спаси нас.**

**На одре болезни моея и немощи низлежащу ми, яко Боголюбива, помози, Богородице, едина Приснодево.**

**Пресвятая Богородице, спаси нас.**

**Надежду и утверждение, и спасения стену недвижиму, имуще Тя, Всепетая, неудобства всякаго избавляемся.**

### **Ангелу**

**Святыи Ангеле Божий, хранителю мой, моли Бога о мне.**

**Моли Человеколюбца Бога ты, хранителю мой, и не остави мене, но присно в мире житие мое соблюди, и подаждь ми спасение неоторимое.**

**Святыи Ангеле Божий, хранителю мой, моли Бога о мне.**

**Яко заступника и хранителя животу моему прием ты от Бога, Ангеле, молю тя, святыи: от всяких мя бед свободи.**

**Слава Отцу, и Сыну, и Святому Духу.**

**Мою скверность твоею святынею очисти, хранителю мой, и от части шуия да отлучен буду молитвами твоими, и причастник славы явлюся.**

**И ныне и присно, и во веки веков. Аминь.**

**Недоумение предлежит ми от обышедших мя зол, Пречистая, но избави мя от них скоро: к Тебе бо единой прибегах.**

## Песнь 5

*Ирмос: Божиим светом Твоим, Блаже, утренюющих Ти души любовию озари, молюся, Тя ведети, Слове Божий, истиннаго Бога, от мрака греховнаго взывающа.*

**Помилуй** мя, Бóже, помилуй мя.

**Вспомяни**, окаянный челове́че, ка́ко лжам, клеветám, разбо́ю, немо́щем, лю́тым зверём, грехо́в ра́ди порабо́щен еси́; ду́ше моя́ грешная, то́го ли восхоте́ла еси́?

**Помилуй** мя, Бóже, помилуй мя.

**Трепещут** ми у́ди, все́ми бо сотвори́х вино́у: очима́ взира́й, у́шима́ слы́шай, язы́ком зла́я глаго́лай, все́го себé геенне преда́й; ду́ше моя́ грешная, се́го ли восхоте́ла еси́?

**Помилуй** мя, Бóже, помилуй мя.

**Блудника́** и разбо́йника ка́ющася прия́л еси́, Спа́се, аз же еди́н ле́ностию грехо́вною отягчи́хся, и злым де́лом порабо́тихся; ду́ше моя́ грешная, се́го ли восхоте́ла еси́?

**Пресвята́я Богоро́дице**, спаси́ нас.

**Дивная** и ско́рая Помо́щнице всем челове́ком, Ма́ти Бóжия, помози́ мне недосто́йному, ду́ша́ бо моя́ грешная то́го восхоте́.

## Богородице

**Пресвята́я Богоро́дице**, спаси́ нас.

**Исполни**, Чи́стая, весе́лия се́рдце моё, Твою́ нетле́нную даю́щи ра́дость, весе́лия ро́ждшая Вино́внаго.

**Пресвята́я Богоро́дице**, спаси́ нас.

**Изба́ви** нас от бед, Богоро́дице Чи́стая, ве́чное ро́ждши Избавле́ние, и Мир, всяк у́м преимúщий.

**Пресвята́я Богоро́дице**, спаси́ нас.

**Разрешí** мглу́ прегрешéний мо́их, Богоневéсто, просвещéнием Твое́й свéтлости, Свет ро́ждшая Божéственный и превéчный.

**Пресвята́я Богоро́дице**, спаси́ нас.

**Исцели́**, Чи́стая, ду́ши мое́я неможéние, посещéния Твое́го сподо́бльшая, и здра́вие моли́твами Тво́ими пода́ждь ми.

## Ангелу

**Святы́й Ангеле** Бóжий, храните́лю мой, моли́ Бо́га о мне.



**Я**ко имѣя дерзновѣние к Бѳгу, хранителю мой святѳй, Сего умоли от оскорбляющих мя зол избавити.

**С**вятѳй Ангеле Бѳжий, хранителю мой, моли Бѳга о мне.

**С**вѣте свѣтлый, свѣтло просвети дѳшу мою, наставниче мой и хранителю, от Бѳга данный ми Ангеле.

**С**лава Отцу, и Сыну, и Святѳму Дѳху.

**С**пяща мя зле тяготою грехѳвною яко бдяща сохрани, Ангеле Бѳжий, и возстави мя на славослѳвие молѣнием твоим.

**И** ныне и присно, и во веки веков. **А**минь.

**М**аріе, Госпоже Богородице безневѣстная, Надеждо верных, вражия возношенія низложи, поющія же Тя возвесели.

### Песнь 6

***Ирмос:** Житейское море воздвигаемое зря напастей бурею, к тихому пристанищу Твоему притек, вопию Ти: возведи от тли живѳт мой, Многомилостиве.*

**П**омилуй мя, Бѳже, помилуй мя.

**Ж**итіе на земли блѳдно пожих, и дѳшу во тьму предах, ныне ѳбо молю Тя, Милостивый Владыко: свободи мя от работы сея вражия, и даждь ми разум творити волю Твою.

**П**омилуй мя, Бѳже, помилуй мя.

**К**то творит таковая, якоже аз? Якоже бо свинія лежит в калу, тако и аз греху служу. Но Ты, Господи, исторгни мя от гнѳса сего, и даждь ми сердце творити заповеди Твоя.

**П**омилуй мя, Бѳже, помилуй мя.

**В**оспрани, окаянный человеке, к Бѳгу, вспомянув своя согрешения, припадая ко Творцу, слезя и стеля; Тойже яко милосерд, даст ти ум знати волю Свою.

**П**ресвятая Богородице, спаси нас.

**Б**огородице Дѳво, от видимаго и невидимаго зла сохрани мя, Пречистая, и прими молитвы моя, и донеси я Сыну Твоему, да даст ми ум творити волю Его.

### Богородице

**П**ресвятая Богородице, спаси нас.



**С**мёрти и тли яко спасл есть, Сам Ся издав смёрти, тлением и смёртию моё естество ято бывшее, Дёво, моли Гóспода и Сына Твоего, врагов злодействия мя избáвити.

**Пресвятáя Богорóдице, спаси нас.**

**Предстáтельница** Тя животá вем, и Хранительницу твёрду, Дёво, и напáстей решáщу молвы, и нало́ги бесóв отгоня́ющу; и молю́ся всегда́, от тли страстéй мо́их избáвити мя.

**Пресвятáя Богорóдице, спаси нас.**

**Я**ко стéну прибéжища стяжáхом, и душ всесовершённóе спасéние, и простра́нство в скóрбех, Отрокови́це, и просвещéнием Тво́им прísно радуемся: о Влады́чице, и ны́не нас от страстéй и бед спаси́.

**Пресвятáя Богорóдице, спаси нас.**

**На** одре ны́не немощствуйáй лежý, и несть исцелéния плóти мо́ей; но Бóга и Спáса ми́ру, и Избáвителя недúгов рóждшая, Тебé молю́ся Благо́й: от тли недúг возста́ви мя.

### **Ангелу**

**С**вятый Ангеле Бóжий, хранителю мой, моли Бóга о мне.

**В**сяких мя напáстей свободи́, и от печáлей спаси́, молю́ся ти, святый Ангеле, дáнный ми от Бóга, хранителю мой дóбрый.

**С**вятый Ангеле Бóжий, хранителю мой, моли Бóга о мне.

**О**свети́ ум мой, бла́же, и просвети́ мя, молю́ся ти, святый Ангеле, и мы́слити ми полéзная всегда́ наста́ви мя.

**С**ла́ва Отцý, и Сы́ну, и Свято́му Дúху.

**У**ста́ви сёрдце моё от настоя́щаго мяте́жа, и бдéти укрепи́ мя во благíх, хранителю мой, и наста́ви мя чúдно к тишинé живóтней.

**И** ны́не и прísно, и во вéки векóв. **А**ми́нь.

**С**ло́во Бóжие в Тя всели́ся, Богорóдице, и челове́ком Тя показá небéсную лéствицу: Тобóю бо к нам Вы́шний сошёл есть.

**Г**óсподи, помíлуй. *(Трижды.)*

### **Кондак Иисусу**

**Д**уше́ моя́, почто́ грехáми богатéеши, почто́ во́лю диáволю твори́ши, в чесóм наде́жду полага́еши? Престáни от сих, и

обратіся к Бóгу с пла́чем, зову́щи: Милосе́рде Го́споди, поми́луй мя грѣшнаго.

### Икос

**П**омы́сли, душе́ моя́, го́рький час сме́рти и стра́шный суд Творца́ твоего́ и Бóга: Ангели бо грóзнии по́ймут тя, душе́, и в вѣчный огонь введу́т; у́бо пре́жде сме́рти пока́йся, вопи́юще: Го́споди, поми́луй мя грѣшнаго.

### Кондак Богородице, глас 6-й

**П**редста́тельство христиа́н непосты́дное, Хода́тайство ко Творцу́ непрелóжное, не прѣзри грѣшных моле́ний гласы, но предвари́, я́ко Благая́, на по́мощь нас, ве́рно зову́щих Ти: ускори́ на моли́тву, и потщи́ся на умоле́ние, предста́тельствующи при́сно, Богоро́дице, чту́щих Тя.

### Кондак Ангелу, глас 4-й

**Я**вися́ мне милосе́рд, святы́й Ангеле Госпо́день, храните́лю мой, и не отлуча́йся от мене́ скве́рнаго, но просвети́ мя све́том неприкоснове́нным, и сотвори́ мя досто́йна Ца́рствия Небе́снаго.

### Икос

**У**ничже́нную ду́шу мою́ мно́гими собла́зны, ты, святы́й предста́телю, неизрече́нныя сла́вы Небе́сныя сподо́би, и певе́ц с ли́ки безплóтных Сил Бóжиих, поми́луй мя и сохрани́, и помы́сли до́брыми ду́шу мою́ просвети́, да твоёю сла́вою, Ангеле мой, обогащúся, и низложи́ зломы́слящия мне враги́, и сотвори́ мя досто́йна Ца́рствия Небе́снаго.

### Песнь 7

*Ирмо́с: Росода́тельну у́бо пещь соде́ла Ангел преподо́бным отроко́м, халде́и же опаля́ющее велѣние Бóжие мучите́ля увеща́ вопи́ти: благослове́н еси́, Бо́же отецъ на́ших.*

**П**оми́луй мя, Бо́же, поми́луй мя.

**Н**е наде́йся, душе́ моя́, на тле́нное бога́тство и на непра́ведное собра́ние, вся бо сия́ не ве́си кому́ оста́виши, но возопи́й: поми́луй мя, Христé Бо́же, недосто́йнаго.

**П**оми́луй мя, Бо́же, поми́луй мя.

**Н**е упова́й, душе́ моя́, на телéсное здра́вие и на скоромимоходя́щую красоту́: ви́диши бо, я́ко си́льнии и младии умира́ют; но возопи́й: поми́луй мя, Христé Бо́же, недосто́йнаго.

**П**омилуй мя, Бóже, помилуй мя.

**В**спомяни́, душе́ моя́, вѣчное жити́е, Ца́рство Небе́сное, угото́ванное святы́м, и тьму кромѣшнюю, и гнев Бóжий злым, и возопи́й: помилуй мя, Христѣ́ Бóже, недостóйнаго.

**П**ресвятáя Богорóдице, спаси́ нас.

**П**рипадí, душе́ моя́, к Бóжией Мáтери, и помолíся Той: есть бо скóрая Помóщница ка́ющимся, умо́лит Сы́на Христá Бóга, и помилует мя недостóйнаго.

### **Богородице**

**П**ресвятáя Богорóдице, спаси́ нас.

**Нáше спасѣние** я́коже восхотѣ́л еси́, Спа́се, устро́ити, во утробу Дѣ́выя всели́лся еси́, Ю́же мíру Предста́тельница́ показáл еси́: о́тец на́ших Бóже, благословѣ́н еси́.

**П**ресвятáя Богорóдице, спаси́ нас.

**В**олíтеля мíлости, Егóже родила́ еси́, Мáти Чíстая, умоли́ избáвиться от прегрешѣ́ний и душе́вных скверн вѣ́рою зовúщим: о́тец на́ших Бóже, благословѣ́н еси́.

**П**ресвятáя Богорóдице, спаси́ нас.

**С**окрóвище спасѣ́ния и исто́чник нетлѣ́ния, Тя рóждшую, и столп утверждѣ́ния, и дверь покая́ния, зовúщим показáл еси́: о́тец на́ших Бóже, благословѣ́н еси́.

**П**ресвятáя Богорóдице, спаси́ нас.

**Т**елѣ́сныя сла́бости и душе́вныя недúги, Богороди́тельнице, любóвию присту́пающих к кро́ву Твоему́, Дѣ́во, исцели́ти сподóби, Спа́са Христá нам рóждшая.

### **Ангелу**

**С**вяты́й Ангеле́ Бóжий, храните́лю мой, моли́ Бóга о мне.

**М**íлостив бúди ми и умоли́ Бóга, Госпóдень Ангеле́: имѣю бо тя застúпника во всем животѣ́ моём, наста́вника же и храните́ля, от Бóга даровáннаго ми во вѣ́ки.

**С**вяты́й Ангеле́ Бóжий, храните́лю мой, моли́ Бóга о мне.

**Н**е оста́ви в путь шѣ́ствующия души́ моея́ ока́янныя уби́ти разбо́йником, святы́й Ангеле́, я́же ти от Бóга предана́ бысть непорóчне, но наста́ви ю́ на путь покая́ния.

**С**ла́ва Отцú, и Сы́ну, и Свято́му Дúху.

**В**сю посра́млену ду́шу мою́ привожду́ от лука́вых ми по́мысл и дел; но предварí, наста́вниче мой, и исцелéние ми пода́ждь бла́гими по́мыслы, уклоня́ти ми ся всегда́ на пра́выя стези́.

**И** ны́не и при́сно, и во ве́ки веко́в. **Ами́нь.**

**Прему́дрости испóлни всех и крéпости Божéственныя, Ипостáсная Прему́дросте Вы́шняго, Богорóдицы ра́ди, véрою вопию́щих: оте́ц на́ших Бо́же, благослове́н еси́.**

### **Песнь 8**

***Ирмо́с:** Из пла́мене преподо́бным ро́су источи́л еси́, и пра́веднаго же́ртву водо́ю попали́л еси́: вся́ бо твори́ши, Христé, то́кмо éже хотéти. Тя превозно́сим во вся́ ве́ки.*

**Поми́луй мя, Бо́же, поми́луй мя.**

**Ка́ко не íмам пла́каться, егда́ помышля́ю смерть? Видех бо во грóбе лежа́ща брата́ моего́, безсла́вна и безобра́зна. Что у́бо ча́ю, и на что наде́юся? То́кмо даждь ми, Го́споди, пре́жде конца́ пока́яние. *(Дважды.)***

**Поми́луй мя, Бо́же, поми́луй мя.**

**Вéрую, я́ко приидеши суди́ти живы́х и ме́ртвых, и вси во своём чи́ну ста́нут, ста́рии и младии́, влады́ки и кня́зи, де́вы и священни́цы; где обря́щуся аз? Сего́ ра́ди вопию́: даждь ми, Го́споди, пре́жде конца́ пока́яние.**

**Пресвята́я Богорóдице, спаси́ нас.**

**Пречи́стая Богорóдице, прими́ недостóйную моли́тву мою́, и сохрани́ мя от на́глыя сме́рти, и да́руй ми пре́жде конца́ пока́яние.**

### **Богородице**

**Пресвята́я Богорóдице, спаси́ нас.**

**По́мощи я́же от Тебе́ тре́бующия не презри́, Де́во, пою́щия и превозно́сящия Тя во ве́ки.**

**Пресвята́я Богорóдице, спаси́ нас.**

**Неможéние души́ моея́ исцеля́еши, и телéсныя болéзни, Де́во, да Тя просла́влю, Чи́стая, во ве́ки.**

**Пресвята́я Богорóдице, спаси́ нас.**

**Исцелéний бога́тство излива́еши véрно пою́щим Тя, Де́во, и превозно́сящим неизрече́нное Твое́ Рожде́ство.**

**Пресвятая Богородице, спаси нас.**

**Напастей Ты прилоги отгоняеши, и страстей находы, Дево: темже Тя поём во вся веки.**

### **Ангелу**

**Святый Ангеле Божий, хранителю мой, моли Бога о мне.**

**От Бога посланный, утверди живот мой, раба твоего, преблагий Ангеле, и не остави мене во веки.**

**Святый Ангеле Божий, хранителю мой, моли Бога о мне.**

**Ангела ты суща блага, души моея наставника и хранителя, преблаженне, воспеваю во веки.**

**Слава Отцу, и Сыну, и Святому Духу.**

**Буди ми покров и забрало в день испытаня всех человек, вонже огнем искушаются дела благая же и злая.**

**И ныне и присно, и во веки веков. Аминь.**

**Буди ми помощница и тишина, Богородице Приснодево, рабу Твоему, и не остави мене лишена быти Твоего владычества.**

### **Песнь 9**

*Ирмос: Бога человеком невозможно видети, на Негоже не смеют чини Ангельстии взирати; Тобою же, Всечистая, явися человеком Слово воплощенно; Егоже величающе, с Небесными вои Тя ублажаем.*

**Помилуй мя, Боже, помилуй мя.**

**Ныне к вам прибегаю, Ангели, Архангели, и вся Небесныя Силы, у Престола Божия стоящии, молитесь ко Творцу своему, да избавит душу мою от муки вечныя.**

**Помилуй мя, Боже, помилуй мя.**

**Ныне плачуся к вам, святии патриарси, царие и пророцы, апостоли и святители, и вси избранныи Христовы: помозите ми на Суде, да спасет душу мою от силы вражия.**

**Помилуй мя, Боже, помилуй мя.**

**Ныне к вам воздежу рuce, святии мученицы, пустынницы, девственницы, праведницы, и вси святии, молящися ко Господу за весь мир, да помилует мя в час смерти моея.**

**Пресвятая Богородице, спаси нас.**

**Ма́ти Бо́жия, помози́ ми, на Тя си́льне надéющемуся, умоли́ Сы́на Своего́, да поста́вит мя недосто́йнаго одесну́ю Себе́, егда́ сядет судя́й живы́х и ме́ртвых. Ами́нь.**

### **Богородице**

**Пресвята́я Богоро́дице, спаси́ нас.**

**То́ка слез мои́х не отврати́ся, Яже от вся́каго лица́ вся́ку слéзу отъёмшаго, Де́во, Христа́ ро́ждшая.**

**Пресвята́я Богоро́дице, спаси́ нас.**

**Ра́дости мое́ се́рдце испо́лни, Де́во, Яже ра́дости приéмшая исполне́ние, грехо́вную печа́ль потребля́ющи.**

**Пресвята́я Богоро́дице, спаси́ нас.**

**Приста́нище и предста́тельство к Тебе́ прибега́ющих бу́ди, Де́во, и стена́ неруши́мая, прибе́жище же и покрóв и весе́лие.**

**Пресвята́я Богоро́дице, спаси́ нас.**

**Све́та Твоего́ заря́ми просвети́, Де́во, мрак неведе́ния отгоня́ющи, благове́рно Богоро́дицу Тя испове́дающих.**

**Пресвята́я Богоро́дице, спаси́ нас.**

**На ме́сте озлобле́ния немо́щи, смири́вшагося, Де́во, исцели́, из нездра́вия во здра́вие претворя́ющи.**

### **Ангелу**

**Го́споди Иису́се Христé, Бо́же мой, поми́луй мя.**

**Поми́луй мя, еди́не Спа́се мой, я́ко ми́лостив еси́ и милосе́рд, и пра́ведных ликóв сотвори́ мя прича́тника.**

**Святы́й Ангеле Бо́жий, храните́лю мой, моли́ Бо́га о мне.**

**Мы́слити ми при́сно и твори́ти, Госпо́день Ангеле, благáя и полéзная да́руй, я́ко си́льна яви́ в немо́щи и непоро́чна.**

**Сла́ва Отцу́, и Сы́ну, и Свято́му Ду́ху.**

**Я́ко имéя дерзнове́ние к Царю́ Небе́сному, Того́ моли́, с про́чими безплóтными, поми́ловати мя ока́яннаго.**

**И ны́не и при́сно, и во ве́ки веко́в. Ами́нь.**

**Мно́го дерзнове́ние иму́щи, Де́во, к Вопло́щшемуся из Тебе́, преложи́ мя от уз, и разреше́ние ми пода́ждь и спасе́ние, моли́твами Твои́ми.**

**Го́споди Иису́се Христé, Сы́не Бо́жий, поми́луй мя грéшнаго.**

### Молитва ко Господу нашему Иисусу Христу

**Владыко Христэ Бóже, Иже Страстьми Твоими страсти моя исцеливый, и язвами Твоими язвы моя уврачевавый, даруй мне, много Тебэ прегрешившему, слезы умиления; сраствори моему телу от обоняния Животворящаго Тела Твоего, и наслади душу мою Твоею Честною Кровию, от горести, еюже мя сопротивник напои; возвыси мой ум к Тебэ, долу поникший, и возведи от пропасти погибели, яко не имам покаяния, не имам умиления, не имам слезы утешительныя, возводящая чада ко своему наследию. Омрачихся умом в житейских страстех, не могу возрети к Тебэ в болезни, не могу согрети слезами яже к Тебэ любве. Но, Владыко Господи Иисусе Христэ, Сокровище благих, даруй мне покаяние всецелое и сердце люботрудное во зыскание Твое, даруй мне благодать Твою, и обнови во мне зраки Твоего образа. Оставих Тя, не остави мене; изыди на зыскание мое, возведи к пажити Твоей, и сопричти мя овцам избраннаго Твоего стада, воспитай мя с ними от злака Божественных Твоих Таинств, молитвами Пречистыя Твоея Матере, и всех святых Твоих. **Аминь.****

**Пресвятая Богородице, спаси нас.**

### Молитвы ко Пресвятой Богородице

**Царице моя преблагая, Надеждо моя Богородице, Приятелище сирых, и страннх Предстательнице, скорбящих Радосте, обидимых Покровительнице! Зриши мою беду, зриши мою скорбь, помози ми яко немощну, окорми мя яко странна. Обиду мою веси, разреши ту, яко волиши: яко не имам инья помощи разве Тебэ, ни инья Предстательницы, ни благия Утешительницы, токмо Тебэ, о Богомати; яко да сохраниши мя и покрыеши во веки веков. **Аминь.****

**К кому возопию, Владычице? К кому прибегну в горести моей, аще не к Тебэ, Царице Небесная? Кто плач мой и воздыхание мое примет, аще не Ты, Пренепорочная, Надеждо христиан и Прибежище нам грешным? Кто паче Тебэ в напастех защитит? Услыши убо стенание мое, и приклони ухо Твое ко мне, Владычице Мати Бóга моего, и не презри мене, требующаго Твоея помощи, и не отри ни мене грешнаго. Вразуми и научи мя, Царице Небесная; не отступи от мене, раба Твоего, Владычице, за роптание мое, но буди мне Мати и**



Заступница. Вручаю себе милостивому покрову Твоему: приведи мя грешнаго к тихой и безмятежней жизни, да плачуся о гресех моих. К кому бо прибегну повинный аз, аще не к Тебе, упованию и прибежищу грешных, надеждою на неизреченную милость Твою и щедроты Твоя окривляемь? О Владычице Царице Небесная! Ты мне упование и прибежище, покров и заступление и помощь. Царице моя преблагая и скорая Заступнице! Покрый Твоим ходатайством моя прегрешения, защити мене от враг видимых и невидимых, умягчи сердца злых человек, возстающих на мя. О Мати Господа моего Творца! Ты еси корень девства и неувядаемый цвет чистоты. О Богородительнице! Ты подаждь ми помощь немощствующему плотскими страстьми и болезнующему сердцем: едино бо Твое и с Тобою Твоего Сына и Бога нашего имам заступление, и Твоим пречудным заступлением да избавлюся от всякия беды и напасти, о пренепорочная и преславная Божия Мати Марие. Темже со упованием глаголю и вопию: радуйся, Благодатная, радуйся, Обрадованная, радуйся, Препоблагословенная, Господь с Тобою.

Святыи Ангеле Божий, хранителю мой, моли Бога о мне.

### Молитва Ангелу хранителю

Ангеле Христов святыи, к тебе припадая молюся, хранителю мой святыи, приданныи мне на соблюдение души и телу моему грешному от святого крещения. Аз же своею леностию и своим злым обычаем прогневах твою пречистую светлость, и отгнах тя от себе всеми студными делы: лжами, клеветами, завистию, осуждением, презорством, непокорством, братоненавидением и злопомнением, сребролюбием, прелюбодеянием, яростию, скупостию, объядением без сытости и опивством, многоглаголанием, злыми помысли и лукавыми, гордым обычаем и блудным возбешением, имый самохотение на всякое плотское вожделение. О злое мое произволение, егоже и скоти безсловеснии не творят! Да како возможеши возрети на мя, или приступити ко мне, аки псу смердящему? Которыма очима, Ангеле Христов, воззриши на мя, оплетшася зле во гнусных делах? Да како уже возмогу отпущения просити горьким и злым моим и лукавым деянием, в няже впадаю по вся дни и нощи, и на всяк час? Но молюся ти припадая, хранителю мой святыи, умилосердися на мя грешнаго и недостойнаго раба твоего *(имя)*,

буди ми помощник и заступник на злаго моего сопротивника, святыми твоими молитвами, и Царствия Божия причастника мя сотвори, со всеми святыми, всегда, и ныне и присно, и во веки веков. **Аминь.**

### **Окончание**

**Досто́йно** есть я́ко вои́стинну блажи́ти Тя Богоро́дицу, Присноблаже́нную, и Пренепоро́чную, и Ма́терь Бо́га на́шего. Честне́йшую Херувим, и сла́внейшую без сравне́ния Серафим, без ислéния Бо́га Сло́ва ро́ждшую, су́щую Богоро́дицу Тя велича́ем. \*

**Сла́ва** Отцу́, и Сы́ну, и Свято́му Ду́ху, и ны́не и присно, и во ве́ки веко́в. **Аминь.**

**Го́споди, поми́луй. (Трижды.)**

**Го́споди** Иису́се Христе́, Сы́не Бо́жий, моли́тв ра́ди Пречи́стия Твоея́ Ма́тере, преподо́бных и богоно́сных оте́ц на́ших, и всех святы́х, поми́луй нас. **Аминь.**

---

*\* От Пасхи до Вознесения вместо этой молитвы читается заდостойник Пасхи, т. е. припев и ирмос 9-й песни пасхального канона:*

**Ангел** вопия́ше Благода́тней: Чи́стая Де́во, ра́дуйся! И па́ки реку́: ра́дуйся! Твой Сын воскресе́ тридне́вен от гроба́, и ме́ртвыя воздви́гнувый; лю́дие, веселите́ся!

**Свети́ся, свети́ся, но́вый** Иерусали́ме: сла́ва бо Госпо́дня на тебе́ возсия́. Лику́й ны́не и весели́ся, Сио́не. Ты́ же, Чи́стая, красуй́ся, Богоро́дице, о воста́нии Рожде́ства Твоего́.

*В попразднство дванадесятих праздников читаются их задостойники*